



Tuhaqtitaujuqhaq

Qilamik Tuhaqtitaujukhaq

Hadjakaffungmi an'ngirut tikkiutijut Nalliutiqanggittunut Aanniaqtailinirmun Ikajuutinut Pivinga \$190 miliantaala in ilaliutihimajuqlu aanniaqviliaqtuqhanut maniqhait

Iqaluit, Nunavut (Qiqaijalarvia 23, 2024) – Ikajuutigiplugit munarhiliqijunut daaktiliqijunut pijaanginni Inuinnarnut Nunavunmi, Nunavutim Kavamaita (GN) Havagvia Munarhiliqijitkut Nunaqaqqaarhimajunut Kivraqtuqtiit Kanata (ISC) quviahuktut uqariami sainiutaa nutaamik \$190 miliantaalamik an'ngirunmik ilaliutiqaqhunilu maniqhaaqhanik ikajuutiqhainnut akittuqniatigun daaktiliaqtuqhanut tingmidjutiqhainnut. Una an'ngirut imaa pijaami Inuinnait Nunavunmi pijaamingnik ikajuqtaulutik munarhiliqidjutikkut, akiliraqhaqalimaittaanginni inmik.

Hadjakaffungmi una malruungni-ukiuni an'ngirutaa, pidjutihimajuq talvanga Qitiqqautijuq 1, 2023, ilaliutiliklu aadlanik ikajuutiqhanik maningnik ikajuutijaami akittuqpallianiit daaktiliaqtuqhanut tingmidjutiqhainnut ilaudjutilgitlu titiqqiviliqidjutinut akiqhait. Atuqtauhimajut hadja ikajuutikkut an'ngirutaa tunihinirmik ilanginnik Nalliutiqanggitut Munarhiliqinikkut Ikajuutinik (NIHB) nutaanggurniaqtutlu.

Una an'ngirut ihuaqtumik pidjutiliqtuq, kihimi GN kut ISC kutlu ilitaqhijut tamatkiutinggittuq ihuarhaidjutikkut. Nakuuhivalliaviqhainnut havaaqaqtuguq pijaanginni daaktiviliqidjutiqhanut ikiqlijuummiriami daaktiliangnikkut tingmilutik avataani nunavut ikajuutilugitlu munarhiliqidjutit aadjikkiingnikkut Inuinnarnut nunaptingni. Ukua ISC kut GN kutlu aghuuqtut havaqatigiiriami hivitujumik-kikliqaqlutik angirutitigun havagiangini aulahimmaaqtuqhamik ihumaliurhimajumik tikiutijaami hivunirmunraaluk-kiqliqaqluni munarhiliqinikkut ihariangniit Nunavunmiunut.

"Sainiutaa an'ngirutaata imaa pijaaptingni akiliqhijaami ihariangniit amigaittuni munarhiliqidjutinut akiqhainnut kihimilu hakugingniqhainnut ikpingnia hakugingniqhaqlugit paatnaqatigiingniq ataani Katujjiluta maligaa. Hamna pidjutijuq atauhirmik an'ngijuamin amigaittuni pidjutihimmaagutiptingnut aivangnikkutigit

havakpaktavutlu imaa pijaami tamaita Nunavunmiut pijaamingnik munarhiliqidjutinut ihariagijangmingnut”.

— *Nunavut Kavamanga Minista Munarhiliqijitkunnut, John Main*

"Inuit Nunavunmi piquaqtuqhaungmata ihuaqtumik aadjikkiingnitigutlu pijaamingnik munarhiliqidjutinut. Amihunut Inuinnarnut, taaktiliaqtuqhat tingmilutik ihariagijaujuq taaktiliqijaami. Ublumi an'ngirutaata atuqhimmaagutigijaujuqhatigun havangniaqtavut Inuinnarnut Nunavunmi ikajuqlugitlu munaqtaujaamingnik ihariagijainnik. Una qaniglivaliialiqtuq Kanatamun humi tamaita inuit, humili inuugaluaqtilugit, kivgaqtuutiqaqtut ihariagijamingnik ihuaqtumiklu piyaamingni."

— *Nan'ngarijaujuq Patty Hajdu, Minista Nunaqqaarhimajunut Kivraqtiit*

Nutaaq hadjakaffungmi an'ngirutaa uqautigijait hadjamin maniliqinirmun aktunarniit munarijautigun GN kunni apqutiluqhunilu tamainnut timiqutiujunut havaqatigihimmaaqlutik Inuinnait Nunavunmi an'ngirutaatigun tikiutijaami hivuniraalurmun-kikliqanggilluni ihariangniit Inuinnait Nunavunmiut. Una an'ngirut takunnagutigijaujuq havagvianut aqhut havakpiaqpiagutait ihuaqhijaami munarhiliqinikkut kivraqturniq tamaani Nunavunmi, imaa pijaami qaumaktutun innakluni, aanniarnaittumik hivuni tamainnut nunaqaqtunut.

###

Tuhaqtipkainikkut Uqarvigijakhaq:

Pam Coulter
Atan'ngujauullaktuq Tuhaqtipkaijini
Munaqhiliqijitkut
867-975-5949
PCoulter@gov.nu.ca

Jennifer Kozelj
Tuhaqtipkaidjutikhanut Titiraqtia
Havagvia Nan'ngarijaujuq Patty Hajdu
Minista Nunaqqaarhimajunut Kivraqtuutenggit Ministalu munarijaqtuq hapkununga FedNor
jennifer.kozelj@sac-isc.gc.ca

Tuhaqtitauniqhatigun
Nunaqqaqqaqtunun Kivraqtuijit Kanata
819-953-1160
media@sac-isc.gc.ca